

Oz e igl Gi mundial digl teater



Igl Gi mundial digl teater

Âs tei ear gea udieu la construcziùn: «Tgala da far teater!»? Forza c'igls teas geniturs near la tia surmestra ân getg quegl cur ca tei âs fatg da quegl c'ign duess betga far ... Par exaimpel cur ca tei âs fatg da clown! Igl 27 da marz âs tei egnà bûna stgisa par far teater sco ca tei vol. Tei sas gir: «Bagn, oz fetsch jou teater! Igl 27 da marz e numnadameing igl Gi mundial digl teater.» Que gi mundial dat igl davent digls 1961, cur c'igl institut da teater internaziunal â proclamo el. Managieu cun teater e qua igl gioi da rolas, peia parsûnas ca giojan otras parsûnas par raquin-tar egn'istorgia sen la tribuna. Questa furma da divertimaint dat igl gea davent da melis ons. Igl vigls Grecs

ân gea giujieu cumegias a tragedias. Cumegias en tocs divertaints, tragedias parancûnter en istorgias trestas ca fineschan mal. Igl acturs purtavan mascras par giujear las diferaintas rolas.


Egn digls ple famus auturs da teater e sto igl scriptur angles William Shakespeare. El â par exaimpel scret igl teater «Romeo a Giulieta», l'istorgia da dus inamuros ca dastgan betga vagnir anzemel, parquegl ca lur famiglias ân daspeta egnà cun l'otra. Shakespeare â scret igl toc avânt duple ca 400 ons ad igl tema sco ear igl teater sco tal en ànc adigna actuals. Igl teater para peia da faszi-nar igls carstgàns, tutegna cura a noua sen que mund.

Âs tei ear gea vurdo egn'eada egn teater?

Dat igl igls 27 da marz egn teater par unfànts an la tia regiùn? Tschear-tga agl internet a va a vurdar el!

Tge teaters âs tei bugent? Teaters cun popas, cun mascras near cun dretgas parsûnas?

Fas tei seza/sez bugent teater?





Fagiainsa teater!

1

Aplaus


La grupa d'unfànts sea gio bass a varda viers igl esch near viers la tenda. Egn unfànt aintra near vean davànt la tenda. Ella near el aintra tut normal, cun egn nas cotschen near cun egn mascra. La grupa d'unfànts (igl public) fa aplaus. Suainter c'igls unfànts àn aplaudo, fa gl'unfànt egn ravarenza a sea sper igls oters unfànts. Egn oter unfànt aintra cun near sainza requisit a la grupa aplaudescha. Ascheia va'gl anavànt, antocen ca mintg'unfànt â pudieu giuder gl'aplaus a far egn ravarenza.



Pantomima

Egn unfànt tschearna egn animal near egn tgossa a preschainta la rola tscharnida sainza bagliafar near far ramurs. Igl oters ston angiavinar tge c'e managieu. Ear pussevel: far pantomimas da mastregns.





Rudi d'emoziùns

La grupa stat an egn rudi. Egn unfànt dat anturn egn'emoziùn. Mintg'unfànt dat anavànt quell'emoziùn a la vascogna near agl vascogn. Ascheia va'gl egn'eada anturn, antocen ca l'emoziùn riva puspe tier gl'unfànt c'â antschiè. Ussa vean igl proxim unfànt landervei. Variàntas par mussar l'emoziùn: egn'exclamaziùn, mussar l'emoziùn me cun la mimica, cun movimaints, sco igls animals, liùn = curaschus, cot = losch, tgàn = cuntaint, mir = tamalitga, etc.

Liger la giaseta


Egn unfànt stat d'egna vart da la stàntza, cugl dies anviers la grupa a ligia la giaseta. Igl rest da la grupa e da l'otra vart da la stàntza a tschearna egn'emoziùn (near egn animal). An quell'emoziùn antschevan els ussa a samuantar plàn viers igl unfànt ca ligia la giaseta. Quel savolva a la grupa stat eri imediat (freeze). Sch'igl unfànt da la giaseta angiavegna da tge emoziùn c'igl sactracta, vean mido la rola, schiglioc ligia el ànc egn'eada la giaseta a la grupa s'avascogna puspe.


Tgi sund jou?

Or dad egna cеста cun vastgadira, requisits a mascras par satravastgir prenda egn unfànt tres tgossas a tira aint ellas. Ella near el sapreschainta davànt la grupa d'unfànts a gioia egna parsùna, egn animal near egna figura or dad egn'istorgia near egn film. Iglis unfànts ston angiavinar la rola digl unfànt. Tgi c'angiavegna andretg, dastga satravastgir sco proxima near proxim.

Mascras

Zambargead mascras da diferaints animals or da tagliers da cartùn a giujead co ca quests animals festive-schan anzemel.





An l'ustreia

Giuead egn scena an l'ustreia. Egn unfànt e igl giast, egn oter survescha, egn tearz e igl cuschinier near la cuschiniera near anzatge oter. Invantad ànc duple rolas a giuead las dife-raintas variàntas:

- Igl giast posta spaghetis, mo sur-vean egn pestg ...
- La cuschiniera â egn'assistenta near egn assistent ca meta sal anstagl da zucer an la crema da vaniglia.
- La camariera maglia seza nov chicken nuggets ad igl giast sur-vean me ple egn chicken nugget ...
- Invantad atgnas scenas!